

Na osnovu člana 30. stav (3) i člana 39. Zakona o izvršavanju Budžeta Federacije Bosne i Hercegovine za 2024. godinu („Službene novine Federacije BiH“, broj 7/24) na prijedlog federalnog ministra poljoprivrede, vodoprivrede i šumarstva, Vlada Federacije Bosne i Hercegovine, na \_\_\_\_\_ sjednici održanoj \_\_\_\_\_ 2024. godine, donijela je

## **ODLUKU**

### **O USVAJANJU PROGRAMA UTROŠKA SREDSTAVA S KRITERIJIMA RASPODJELE SREDSTAVA "SUBVENCIJE PRIVATNIM PREDUZEĆIMA I PODUZETNICIMA - POTICAJ ZA VETERINARSTVO" UTVRĐENOG BUDŽETOM FEDERACIJE BOSNE I HERCEGOVINE ZA 2024. GODINU FEDERALNOM MINISTARSTVU POLJOPRIVREDE, VODOPRIVREDE I ŠUMARSTVA**

#### **I**

Usvaja se Program utroška sredstava s kriterijima raspodjele sredstava "Subvencije privatnim preduzećima i poduzetnicima - Poticaj za veterinarstvo" utvrđenog Budžetom Federacije Bosne i Hercegovine za 2024. godinu ("Službene novine Federacije BiH", broj 7/24) (u daljnjem tekstu: Program).

Sredstva za realizaciju Programa isplatit će se sa razdjela 24, pozicija 6145 "Subvencije privatnim preduzećima i poduzetnicima - Poticaj za veterinarstvo", utvrđenog Budžetom Federacije Bosne i Hercegovine za 2024. godinu u iznosu od 3.300.000,00 KM.

#### **II**

Realizacija Programa iz tačke I ove Odluke vršit će se u zavisnosti od ostvarenih prihoda u Budžetu Federacije Bosne i Hercegovine, a u skladu sa odredbama Zakona o veterinarstvu („Službene novine Federacije BiH“, broj 46/00).

#### **III**

Program čini sastavni dio ove Odluke.

#### **IV**

Za realizaciju ove Odluke zadužuju se Federalno ministarstvo poljoprivrede, vodoprivrede i šumarstva i Federalno ministarstvo finansija, svako u okviru svoje nadležnosti.

#### **V**

O utrošenim sredstvima iz tačke I ove Odluke Federalno ministarstvo poljoprivrede, vodoprivrede i šumarstva je dužno podnositi tromjesečni izvještaj Federalnom ministarstvu finansija.

**VI.**

Ova Odluka stupa na snagu narednog dana od dana objave u "Službenim novinama Federacije BiH".

**PREMIJER**

**Nermin Nikšić**

V broj \_\_\_\_\_/24  
Sarajevo, \_\_\_\_\_ 2024. godine

NACRT

**BOSNA I HERCEGOVINA**  
**FEDERACIJA BOSNE I HERCEGOVINE**  
**Federalno ministarstvo poljoprivrede, vodoprivrede i šumarstva**

**P R O G R A M**

**UTROŠKA SREDSTAVA S KRITERIJIMA RASPODJELE „SUBVENCije  
PRIVATNIM PREDUZEĆIMA I PODUZETNICIMA - POTICAJ ZA  
VETERINARSTVO“ UTVRĐENOG BUDŽETOM FEDERACIJE BOSNE I  
HERCEGOVINE ZA 2024.GODINU**

**Sarajevo, mart 2024. godine**

# PROGRAM

## utroška sredstava s kriterijima raspodjele „Subvencije privatnim preduzećima i poduzetnicima - Poticaj za veterinarstvo“ utvrđenog Budžetom Federacije Bosne i Hercegovine za 2024. godinu

1. **Period realizacije** od 01.01. do 31.12.2024. godine

2. **Ukupna vrijednost** 3.300.000,00 KM

### 3. **Namjena Programa**

Ispitivanje zaraznih bolesti bruceloze, tuberkuloze i enzootske leukoze goveda. Ispitivanje uzoraka krvi životinja koje su pobacile i kopitara na infektivnu anemiju konja. Ispitivanje službenih uzoraka na prisutnost salmonele kod žive peradi u odobrenim ili registrovanim farmama. Ispitivanje u slučaju pojave bolesti zoonotičnog karaktera i drugih bolesti koje se sporadično javljaju, a čija pojava može značajno uticati na zdravlje životinja ili imati značajne ekonomske posljedice. Ispitivanje na Američku gnjiloću pčelinjeg legla (AGPL). Nadoknada štete za uginule, ubijene ili zaklane i neškodljivo uklonjene životinje. Provođenje mjera DDD-a na zaraženim imanjima i transportnim sredstvima. Educiranje vlasnika životinja i dodatno obrazovanje doktora veterinarske medicine putem savjetovanja i seminara. Praćenje zdravstvene ispravnosti hrane životinjskog podrijetla u odobrenim i registrovanim objektima. Implementacija odobrenih Programa i Planova čijom provedbom će se dobiti detaljnije informacije o prisutnosti uzročnika bolesti životinja i omogućiti blagovremeno poduzimanje mjera sprječavanja i njihovog širenja.

### 4. **Korisnici Programa**

Veterinarske stanice i ustanove koje, prema članu 79. Zakona o veterinarstvu („Službene novine Federacije BiH“, broj 46/00), provode veterinarsku djelatnost, fizičke i pravne osobe – vlasnici neškodljivo uklonjenih životinja.

### 5. **Izvor sredstava**

Budžet Federacije Bosne i Hercegovine za 2024. godinu, sredstva utvrđena na razdjelu 24, pozicija 6145 "Subvencije privatnim preduzećima i poduzetnicima - Poticaj za veterinarstvo".

### 6. **Nositelj Programa**

Federalno ministarstvo, poljoprivrede, vodoprivrede i šumarstva

### 7. **Odgovorna osoba**

Kemal Hrnjić, ministar

## **POGLAVLJE I UVOD**

Program utroška sredstava "Subvencije privatnim preduzećima i poduzetnicima - Poticaj za veterinarstvo" za 2024. godinu (u daljnjem tekstu: Program) obuhvaća sredstva predviđena za otkrivanje, suzbijanje i iskorjenjivanje zaraznih bolesti životinja, kao i sredstva namijenjena za kontrolu zdravstvene ispravnosti hrane životinjskog porijekla. Dio aktivnosti na otkrivanju, suzbijanju i iskorjenjivanju zaraznih bolesti životinja bit će financiran od strane Ureda za veterinarstvo Bosne i Hercegovine.

## **POGLAVLJE II CILJEVI I SVRHA PROGRAMA**

Programom je obuhvaćeno sufinansiranje provođenja mjera sprječavanja širenja i iskorjenjivanja zaraznih bolesti koje su zakonska obveza, shodno visini odobrenih sredstava u Budžetu Federacije BiH za 2024. godinu.

U svrhu nastavka ispunjenja uslova za izvoz mlijeka na tržište EU kao i tržište susjednih zemalja, neophodno je provesti dijagnostičko ispitivanje mliječnih goveda na brucelozu, tuberkulozu i enzootsku leukozu. Iz Programa će se sufinansirati provođenje mjera propisanih Programom mjera zdravstvene zaštite životinja i njihovog provođenja, veterinarskim stanicama koje imaju dodijeljeno područje djelovanja, u skladu sa Pravilnikom o uslovima za osnivanje i obavljanje veterinarske djelatnosti i dodjelu područja djelovanja („Službene novine Federacije BiH“, broj 5/16).

Tokom 2024. godine iz ovog Programa sufinansirat će se dijagnostičko ispitivanje na brucelozu, tuberkulozu i enzootsku leukozu ženskih goveda i njihovog ženskog podmlatka namijenjenog za daljnji uzgoj. Na enzootsku leukozu neće se sufinansirati ispitivanje goveda u sustavu krava – tele.

Na tuberkulozu će se ispitati sva ženska grla starija od šest sedmica, na brucelozu starija od 12 mjeseci, a na enzootsku leukozu starija od 24 mjeseca pod uslovom da period od prethodnog ispitivanja na sve tri bolesti nije kraći od šest mjeseci.

Vakcinacija ovaca i koza protiv bruceloze provodit će se na cijelom području Federacije BiH. Sredstva za realizaciju vakcinacije malih preživara protiv bruceloze u 2024. godini osigurat će Ured za veterinarstvo BiH. Sve detalje o načinu provođenja i uslovima za njenu realizaciju propisat će Ured za veterinarstvo BiH putem posebnog uputstva.

Dijagnostičko ispitivanje službenih uzoraka na prisutnost salmonela kod žive peradi provest će se na odobrenim ili registrovanim farmama, s ciljem provjere njihovih programa samokontrole, a prema posebnom Planu kojeg će donijeti Federalno ministarstvo poljoprivrede, vodoprivrede i šumarstva.

Programom je predviđeno finansiranje ispitivanja krvi životinja u slučaju pobačaja na brucelozu, Q-groznicu i hlamidiju.

Programom je predviđeno sufinansiranje ispitivanja krvi životinja na infektivnu anemiju kopitara.

Službeno uzorkovanje namirnica životinjskog porijekla provest će se u skladu sa posebnim Planom kojeg će donijeti Federalno ministarstvo poljoprivrede, vodoprivrede i šumarstva.

Iz Programa će se financirati ispitivanje divljih životinja i životinja na imanjima, u slučaju pojave bolesti zoonotičnog karaktera, bolesti plavog jezika, Afričke svinjske kuge i drugih bolesti koje se sporadično ili endemično javljaju, a čija pojava može utjecati na zdravlje životinja ili imati značajne ekonomske posljedice.

U skladu sa članom 8. Pravilnika o postupku isplate naknade štete za neškodljivo uklonjene seropozitivne životinje („Službene novine Federacije BiH“, br. 98/12 i 88/18), iz Programa će se i u 2024. godini nastaviti financirati nadoknada vlasnicima uginulih, ubijenih ili zaklanih i neškodljivo uklonjenih životinja u iznosu od 50% procijenjene vrijednosti životinje.

Iz Programa je predviđeno financiranje seminara, savjetovanja i radionica sukladno Programu obuke službenih veterinaru u Federaciji BiH za razdoblje 2021. – 2025. godine, te sufinansiranje seminara, savjetovanja i radionica za čije realiziranje se dokaže značaj za suzbijanje bolesti od interesa za Federaciju BiH.

U slučaju postavljanja sumnje na Američku gnjiloću pčelinjeg legla (AGPL), veterinar koji provodi kliničku pretragu će obvezno uzeti uzorak i dostaviti ga na laboratorijsku analizu koja će se financirati iz sredstava Programa.

Rezultati dijagnostičkog ispitivanja na zarazne bolesti su pokazatelj epizootiološke situacije u Federaciji BiH i omogućavaju blagovremeno poduzimanje mjera na suzbijanju, sprječavanju širenja i iskorjenjivanju zaraznih bolesti. U ovu svrhu iz Programa će se financirati implementacija odobrenih Programa i Planova dostavljenih od strane Veterinarskog fakulteta Univerziteta u Sarajevu koji na osnovu člana 150. Zakona o veterinarstvu („Službene novine Federacije BiH“, broj 46/00), obavlja poslove Veterinarskog instituta Federacije, a čijim provođenjem će se dobiti detaljnije informacije o prisutnosti uzročnika bolesti životinja i omogućiti blagovremeno poduzimanje mjera sprječavanja njihovog širenja.

Proizvodnja sigurnog proizvoda i dalje je osnovni cilj kada je u pitanju realizacija ovog Programa, sa tim razlogom provodi se službeno uzorkovanje namirnica životinjskog porijekla kako bi se utvrdile smjernice za daljnje preventivno djelovanje.

### **POGLAVLJE III UVJETI ZA DODJELU SREDSTAVA**

Pravo na finansijska sredstva utvrđena na razdjelu 24, pozicija 6145 "Subvencije privatnim preduzećima i poduzetnicima - Poticaj za veterinarstvo" odobrat će se fizičkim i pravnim osobama koje ispune uslove utvrđene ovim Programom.

Da bi pravne osobe ostvarile pravo na finansijska sredstva iz ovog Programa potrebno je dostaviti dokumentaciju kojom dokazuju da ispunjavaju slijedeće uslove:

1. da su registrovani u Sudskom registru;

2. da posjeduju važeće rješenje o obavljanju veterinarske djelatnosti i rješenje o dodijeljenom području djelovanja;
3. da posjeduju dokument izdan od strane nadležnog kantonalnog ministarstva kojim se potvrđuje da je veterinarska stanica u skladu sa članom 110. Zakona o veterinarstvu („Službene novine Federacije BiH“, broj 46/00), u propisanom roku dostavila izvještaje;
4. da posjeduju dokument izdan od nadležne veterinarske inspekcije kojim se potvrđuje da su blagovremeno dostavili Plan provođenja propisanih mjera;
5. da posjeduju dokument (EKG) izdan od strane Agencije za označavanje životinja kojim se potvrđuje da ispitane životinje imaju aktivan status u bazi podataka;
6. da posjeduju dokument izdan od strane Porezne uprave Federacije i Uprave za indirektno oporezivanje BiH kojim se potvrđuje da su izmirili obveze ili sklopili sporazum o reprogramiranju duga za 2023 godinu;
7. da su u propisane evidencije Federalnog veterinarskog informacionog sistema (FVIS) unijeli sve tražene podatke.

Dokumenti iz tačke 1. do 2. dostavljaju se samo u slučaju da je bilo izmjena u odnosu na 2023 godinu.

#### **POGLAVLJE IV. VISINA I RASPODJELA SREDSTAVA**

Sredstva u iznosu od 3.300.000,00 KM raspoređuju se za minimalni obim veterinarskih aktivnosti kako se vidi iz sljedećeg tabelarnog pregleda.

Red. Broj	NAZIV PROGRAMA	SVRHA PROGRAMA	KRITERIJ ZA RASPODJELU	IZNOS u KM	IZVORI SREDSTAVA	PRAVNE/FIZICKE OSOBE KOJE PRIMAJU TRANSFER
-----------	----------------	----------------	------------------------	------------	------------------	--

1.	<p><b>Program utroška sredstava s kriterijima raspodjele „subvencija privatnim poduzećima i poduzetnicima-poticač za veterinarstvo “utvrđenog Budžetom Federacije Bosne i Hercegovine</b></p>	<p><b>A)</b> Ispitivanje zaraznih bolesti bruceloze, tuberkuloze, enzootske leukoze goveda, plavog jezika i salmoneloze. Ispitivanje uzoraka krvi životinja koje su pobacile i kopitara na infektivnu anemiju konja. Ispitivanje službenih uzoraka na prisutnost salmonele kod žive peradi u odobrenim ili registrovanim farmama. Ispitivanje u slučaju pojave bolesti zoonotičnog karaktera i drugih bolesti koje se sporadično ili endemično javljaju, a čija pojava može značajno uticati na zdravlje životinja ili imati značajne ekonomske posljedice. Ispitivanje na Američku gnjiloću pčelinjeg legla (AGPL).Nadoknada štete za uginule, ubijene ili zaklane i neškodljivo uklonjene životinje. Provođenje mjera DDD-a na zaraženim imanjima i transportnim sredstvima. Praćenje zdravstvene ispravnosti hrane životinjskog porijekla u odobrenim i registriovanim objektima.</p> <p><b>B)</b> Educiranje vlasnika životinja i dodatno obrazovanje doktora veterinarske medicine putem savjetovanja i seminara.</p>	<p>- Broj uzetih uzoraka i broj ispitanih uzoraka. - Za veterinarske stanice cijena uzimanja uzoraka krvi 6,00 KM, tuberkulinizacija 17,50 KM po životinji,  - Za veterinarske ustanove cijena pretrage za brucelozu Roze Bengal test 5,50 KM i RVK test 17 KM, Q-groznicu 6,00 KM, enzootsku leukozu goveda 7,50 KM, salmonelu 30,00 KM, bolest plavog jezika 15,00 KM, uzorke krvi životinja koje su pobacile 40,00 KM, infektivna anemija kopitara 30,00 KM, AGPL 10,00 KM. Broj neškodljivo uklonjenih životinja po tržišnoj cijeni na dan uklanjanja. Računi za provedene postupke DDD-a. Broj ispitanih službenih uzoraka na temelju Plana službenog uzorkovanja. U cijene je uračunat PDV.</p> <p>- Održana savjetovanja i seminari, odobreni zahtjevi za sufinanciranje, štampanje brošura i drugog edukativnog materijala</p>	<p><b>3.104.954,50</b></p> <p><b>45.000,00</b></p>	<p><b>PRORAČUN FEDERACIJE BIH</b></p>	<p>Veterinarske stanice, i ustanove koje prema članu 79. Zakona o veterinarstvu („Službene novine Federacije BiH“, broj 46/00) provode veterinarsku djelatnost, fizičke i pravne osobe – vlasnici neškodljivo uklonjenih životinja</p> <p>Odabrani ponuđač u postupku javne nabave za organizaciju seminara i savjetovanja i organizacije odnosno pravne osobe kojima se odobri sufinanciranje</p>
----	---	--	--	--	---------------------------------------	--

Red. Broj	NAZIV PROGRAMA	SVRHA PROGRAMA	KRITERIJ ZA RASPODJELU	IZNOS u KM	IZVORI SREDS TAVA	PRAVNE/FIZIČKE OSOBE KOJE PRIMAJU TRANSFER
-----------	----------------	----------------	------------------------	------------	-------------------	--



1.	Program utroška sredstava s kriterijima raspodjele „subvencija privatnim poduzećima i poduzetnicima-poticaaj za veterinarstvo “utvrđenog Budžetom Federacije Bosne i Hercegovine	<p>C) Implementacija posebnih Programa i Planova</p> <p>C) Nerealizirani zahtjevi iz Programa za 2023 godinu</p>	<p>- Odobreni Programi i Planovi</p> <p>-Zaprimljeni zahtjevi</p>	<p><b>100.000,00</b></p> <p><b>50.045,50</b></p>	<p><b>PRORAČUN FEDERACIJE BIH</b></p>	<p>Veterinarski fakultet Univerziteta u Sarajevu</p> <p>Veterinarske ustanove koje prema članu 79. Zakona o veterinarstvu („Službene novine Federacije BiH“, broj 46/00) provode veterinarsku djelatnost, fizičke i pravne osobe – vlasnici neškodljivo uklonjenih životinja Odabrani ponuđač u postupku javne nabave za organizaciju seminara i savjetovanja i organizacije odnosno pravne osobe kojima se odobri sufinansiranje</p>
<b>U K U P N O : 3.300.000,00 KM</b>						

**OBRAZLOŽENJE**  
**PROGRAMA UTROŠKA SREDSTAVA S KRITERIJIMA RASPODJELE SREDSTAVA**  
**“ SUBVENCije PRIVATNIM PREDUZEĆIMA I PODUZETNICIMA - POTICAJ ZA**

# VETERINARSTVO” UTVRĐENOG BUDŽETOM FEDERACIJE BOSNE I HERCEGOVINE ZA 2024. GODINU FEDERALNOM MINISTARSTVU POLJOPRIVREDE, VODOPRIVREDE I ŠUMARSTVA

## UVOD

Program utroška sredstava “Subvencije privatnim preduzećima i poduzetnicima - Poticaj za veterinarstvo” za 2024. godinu obuhvaća sredstva predviđena za otkrivanje, suzbijanje i iskorjenjivanje zaraznih bolesti životinja, kao i sredstva namijenjena za kontrolu zdravstvene ispravnosti namirnica animalnog porijekla. Dio aktivnosti na otkrivanju, suzbijanju i iskorjenjivanju zaraznih bolesti životinja bit će finansiran od strane Ureda za veterinarstvo BiH.

## I - PRAVNI OSNOV

Pravni osnov za donošenje Odluke o usvajanju Programa utroška sredstava s kriterijima raspodjele sredstava “Subvencije privatnim preduzećima i poduzetnicima - Poticaj za veterinarstvo” utvrđenog Budžetom Federacije Bosne i Hercegovine za 2024. godinu Federalnom ministarstvu poljoprivrede, vodoprivrede i šumarstva sadržan je u odredbama čl. 30. stav (3) i člana 39. Zakona o izvršavanju Budžeta Federacije Bosne i Hercegovine za 2024. godinu (“Službene novine Federacije BiH”, broj 7/24) kojim je propisano da će se sredstva utvrđena na razdjelu 24. Budžeta, pozicija “Subvencije privatnim preduzećima i poduzetnicima - Poticaj za veterinarstvo” koristiti prema programima koje usvaja Vlada Federacije BiH. Korisnici budžetskih sredstava su obvezni predložiti Vladi Federacije BiH programe utroška sredstava s bitnim elementima programa. Sredstva se ne mogu koristiti prije nego što Vlada Federacije BiH odobri programe.

## II - RAZLOZI ZA DONOŠENJE

Zakonom o veterinarstvu u Bosni i Hercegovini (“Službeni glasnik BiH”, broj 34/02), Zakonom o veterinarstvu (“Službene novine Federacije BiH”, broj 46/00) i Programom mjera zdravstvene zaštite zdravlja životinja i njihovog provođenja propisana je aktivnost i obveza nadležnih organa u sprečavanju i suzbijanju zaraznih i parazitarnih bolesti životinja, a posebno zoonoza.

**Otkrivanje, suzbijanje i iskorjenjivanje zaraznih bolesti** – Zakonom o veterinarstvu je predviđeno provođenje mjera sprječavanja, širenja i iskorjenjivanja zaraznih bolesti od posebnog interesa za Federaciju, za što se dio sredstava osigurava iz Budžeta Federacije BiH. Praćenje i suzbijanje pojave zaraznih bolesti životinja omogućuje smanjenje broja oboljelih životinja i iskorjenjivanje bolesti, što je bitno za razvoj stočarstva, ali i zdravlje ljudi s obzirom na bolesti zoonotičnog karaktera. Veterinarskim stanicama precizno su definisana područja na kojima moraju provesti obilježavanje životinja, sve propisane mjere za pojedinu životinjsku vrstu, te o istom izdati propisanu dokumentaciju za cijelo imanje. Ovim se daje garancija da su sve životinje propisno obilježene, te da je ažurirano brojno stanje životinja u jedinstvenoj bazi podataka

i da su obuhvaćene propisanim ispitivanjima, što je osnovni uslov za nastavak izvoza proizvoda životinjskog podrijetla na tržište EU.

**Naknada štete** - Zakonom o veterinarstvu u Bosni i Hercegovini i Zakonom o veterinarstvu je propisano da nadležni organi moraju osigurati vlasniku životinje naknadu za životinje koje su ubijene ili zaklane, prilikom realiziranja određenih mjera za suzbijanje zaraznih bolesti, u čemu Federacija sudjeluje sa 50% od ukupne vrijednosti uništene životinje ili predmeta.

**Edukacija doktora veterinarske medicine i vlasnika životinja** – Zakonom o veterinarstvu u Bosni i Hercegovini i Zakonom o zaštiti i dobrobiti životinja je propisana obveza osposobljavanja veterinara i vlasnika životinja u oblasti zaštite zdravlja i dobrobiti životinja i javnog zdravlja.

**Službeno uzorkovanje** – Praćenje zdravstvene ispravnosti namirnica životinjskog porijekla u odobrenim i registrovanim objektima stvara uslove za proizvodnju zdravstveno ispravnog proizvoda životinjskog porijekla.

**Nerealizirani zahtjevi iz 2023 godine** – S obzirom na to da je došlo do pojave Afričke svinjske kuge na području Federacije BiH koja nikada u istoriji nije bila prisutna na ovim područjima bilo je neophodno izdvojiti sredstva za laboratorijsku dijagnostiku i naknadu štete vlasnicima neškodljivo uklonjenih životinja. Također, zbog inflacije došlo je do značajnog porasta tržišne vrijednosti životinja za koje vlasnik ostvaruje pravo na naknadu štete pa svi pristigli zahtjevi nisu mogli biti realizovani iz Programa za 2024 godinu zbog čega je neophodno u Programu za 2024 godinu osigurati sredstva za nerealizovane zahtjeve.

U skladu sa članom 9. Uredbe o pravilima za učestvovanje zainteresirane javnosti u postupku pripreme federalnih pravnih propisa i drugih akata (Službene novine Federacije BiH br. 51/12), nacrt Programa utroška sredstava "Subvencije privatnim preduzećima i poduzetnicima - Poticaj za veterinarstvo" za 2024. godinu objavljen je na web stranici Ministarstva radi prikupljanja mišljenja, prijedloga i sugestija zainteresirane javnosti u razdoblju od 22.05.2024. godine do 28.05.2024. godine.

### **III - FINACIJSKA SREDSTVA**

Za realizaciju ove Odluke izdvojeno je ukupno 3.300.000,00 KM sredstava na razdjelu 24., pozicija "Subvencije privatnim preduzećima i poduzetnicima - Poticaj za veterinarstvo" koja su predviđena Zakonom o izvršavanju Budžeta Federacije Bosne i Hercegovine za 2024. godinu ("Službene novine Federacije BiH", broj 7/24).